

Headline	Pelancongan tani suasana desa		
MediaTitle	Utusan Malaysia		
Date	04 Mar 2019	Color	Full Color
Section	Mega	Circulation	112,050
Page No	28,29	Readership	336,150
Language	Malay	ArticleSize	1607 cm²
Journalist	INTAN SUHANA CHE OMAR	AdValue	RM 31,761
Frequency	Daily	PR Value	RM 95,284



ABDUL ADZIZ HASSAN mengabadikan kenangan di salah sebuah inap desanya yang terletak di Hulu Langat, Selangor.



MENITI arus pemodenan ketika ini, aktiviti pertanian yang merangkumi penternakan, perladangan, perikanan dan sebagainya tidak lagi hanya untuk meraih pendapatan daripada hasil tanaman atau ternakan semata-mata.

Sebaliknya, petani atau penternak moden kini semakin bijak mencari peluang dan memperluaskan aktiviti pertanian kepada satu tahap yang lebih tinggi.

Sektor itu kian mengalami transformasi dan berkembang kepada subsektor yang mampu menjana sumber ekonomi lain melalui aktiviti pelancongan atau lebih dikenali sebagai agro pelancongan.

Bukan sahaja mampu menambah pendapatan petani, ia juga dapat memberikan pendedahan kepada orang ramai mengenai aktiviti pertanian secara dekat terutama kepada generasi muda.

Itulah yang dilakukan oleh Nur Farm Agro, sebuah syarikat perladangan berasaskan penternakan yang terletak di Hulu Langat, Selangor turut menjalankan aktiviti pertanian secara agropelancongan sejak 11 tahun yang lalu.

Oleh INTAN SUHANA CHE OMAR
intansuhanaomar@gmail.com



Headline	Pelancongan tani suasana desa		
MediaTitle	Utusan Malaysia		
Date	04 Mar 2019	Color	Full Color
Section	Mega	Circulation	112,050
Page No	28,29	Readership	336,150
Language	Malay	ArticleSize	1607 cm²
Journalist	INTAN SUHANA CHE OMAR	AdValue	RM 31,761
Frequency	Daily	PR Value	RM 95,284



INAP desa yang disediakan berkonsepkan kampung tradisional Melayu turut dilengkapi dengan pendingin hawa untuk keselesaan pengunjung.

Bukan sahaja menjalankan projek penternakan kambing dan penanaman pokok, syarikat itu juga memiliki beberapa buah inap desa khas untuk pengunjung yang mahu meluangkan masa bermalam dan merasai suasana kampung di tanah ladang tersebut.

Menurut pengasasnya, **Abdul Adziz Hassan**, 64, agropelancongan yang disediakan dapat menjadi platform untuk mengetengahkan industri perladangan dan penternakan kambing di negara ini terutama kepada generasi muda.

Katanya, anak muda terutama murid-murid sekolah perlu diberi pendedahan awal mengenai aktiviti perladangan dan penternakan agar dapat memberi pengetahuan kepada mereka seawal usia.

“Budak-budak sekarang tidak ramai yang mengenali spesies pokok buah-buahan. Jadi, kita mahu menyediakan satu kemudahan yang boleh menjadi tempat untuk mereka belajar mengenali pokok.

“Setakat ini Alhamdulillah, Little Caliph sudah hampir 12 kali membawa murid-muridnya membuat lawatan dan banyak mereka belajar mengenai pokok-pokok dan haiwan ternakan di sini,” ujarnya.

Selain itu, tambahnya, dia mahu mengubah stigma sesetengah masyarakat yang menganggap penternakan merupakan suatu pekerjaan yang kotor, malah kandang kambing sendiri sering dianggap

INFO

Nur Farm Agro

- Dibuka sejak 2006 di Hulu Langat, Selangor.
- Mempunyai 100 ekor biri-biri dan 20 ekor kambing.
- Tujuh buah inap desa bercirikan tradisional.
- Pelbagai jenis pokok buah-buahan.
- Kolam ikan untuk aktiviti memancing.
- Penerima Anugerah Peladang Jaya Selangor 2013.

sebagai satu tempat yang busuk.

“Di sini saya memang menjaga kebersihan kandang dengan begitu baik untuk mengurangkan bau-bau yang tidak menyenangkan.

“Kita hendak tunjukkan kepada pengunjung yang datang ke sini bahawa kandang kambing itu tidak semestinya busuk. Jika diuruskan dengan baik dan betul, ia tidak menjijikkan pun seperti yang disangka,” katanya yang mendapat ilham membangunkan konsep farmstay daripada percutiannya di New Zealand lima tahun lepas.

Oleh itu jelasnya, tempat berkenaan akan menjadi lebih mesra pengguna atau ‘public friendly’ untuk menjadi sebuah destinasi agropelancongan yang ideal.

Headline	Pelancongan tani suasana desa		
MediaTitle	Utusan Malaysia		
Date	04 Mar 2019	Color	Full Color
Section	Mega	Circulation	112,050
Page No	28,29	Readership	336,150
Language	Malay	ArticleSize	1607 cm²
Journalist	INTAN SUHANA CHE OMAR	AdValue	RM 31,761
Frequency	Daily	PR Value	RM 95,284

Pertanian lestari

MENGGUNAKAN setiap peluang yang ada dengan sepenuhnya, Abdul Adziz turut menjalankan pertanian secara lestari bagi mengelakkan pembaziran.

Berbekalkan minat yang ada dan ilmu mengenai pertanian ketika menuntut di Universiti Putra Malaysia (UPM) suatu ketika dulu digunakan sebaiknya untuk menghasilkan aktiviti pertanian bersepadu (*integrated farming*).

Oleh itu, selain mempunyai ternakan biri-biri dan kambing serta pokok buah-buahan, dia turut menghasilkan baja organik dan campuran tanah tanamannya sendiri.

"Saya pastikan setiap aktiviti penternakan dan pertanian yang saya lakukan tidak sia-sia. Bermula daripada penternakan

kambing, tinjanya saya gunakan untuk buat baja.

"Baja organik itu kemudiannya digunakan untuk tanam pokok yang kemudiannya pokok itu dijual di pasar tani setiap hari Sabtu yang boleh mendatangkan pendapatan. Malah, baja dan tanah campuran juga kami jual," jelasnya.

Bagi perancangan masa depan, dia bercadang membuka fasiliti latihan pertanian di kawasan tanah ladang tersebut yang terbuka kepada sesiapa saja berminat mempelajari ilmu pertanian.

Mengingatkan kampung halamannya di Seri Menanti, Negeri Sembilan, Abdul Adziz memilih suasana desa ketika merangka idea membina rumah penginapan di ladang kambingnya.



ANTARA aktiviti yang paling digemari Abdul Adziz Hassan adalah memberi makan kambing dan biri-biri yang sangat menggemari roti.

Headline	Pelancongan tani suasana desa		
MediaTitle	Utusan Malaysia		
Date	04 Mar 2019	Color	Full Color
Section	Mega	Circulation	112,050
Page No	28,29	Readership	336,150
Language	Malay	ArticleSize	1607 cm²
Journalist	INTAN SUHANA CHE OMAR	AdValue	RM 31,761
Frequency	Daily	PR Value	RM 95,284

